

Nepomuk Gaschi

Ausschnitte aus dem Programm 2012

Dr Käpten spinnt - liedat unter Grössawahn
alles us em Ruader - am sinka isch dä Kahn
wenn das Chaos gsesch – den tuats dr weh
wiaso Costa Concordia? – miar reden vur SVP

Wetterfrösch fressan Schnee - machen Prognosa
kasch au am Bucheli – oder dr Sandra Boner zualosa
i weiss, wenn miar bir nögschta Hitzewella - stöhna müan
genau denn - wenn Khurer z’Freiybad renoviera tün

Weltrekord in Khur - dia längschi Autoschlanga
Allerheiliga und i bin - in der Schlanga dinna ghang
wäg dena huara Oberländer – könnt miar d’Hoor raufa
gschider gängtens in Kircha – statt in Vilan go ikaufa

d’Firmig spenda – isch a wichtigs Sakrament
dr Abt söll firma – nit der Huonder „sakrament!“
miar glauben nit - dass dr Vitus in dr Kircha tuat stöhra
es sind jo wenig umma - wo ihn müan köhra

d’Munition a Blödsinn – wenn ma denkt
hän dia Tubla - im Brienersee versenkt
Gripen will er kaufa – dä Ueli isch kei Gschieda
dä hät kei Grippa – aber im Kopf a anders Lieda

Demenz, Arthritis – und immer schlechter gseh
Prostata, Herzlida - und dr Rucka tuat im weh
Alzheimer, Rheuma - schmerza in da Flanka
kei Kranka-Akta – alles Ussreda vum Janka

a iisblotare – do haut’s d’Nana Capol uf de Sack
dr Schneeberger stellt sie uf – das goht Zack Zack
sie könn mi dafür in Stadttrot wähla – ganz im Vertraua
meint sie, mit häts ufs Füttla – und nit uf a Kopf abaghaua

GLP macht Werbig – isch zmittzt im Wahlkampf
a Schneemaa hän dia baut – an riesa Krampf
ma hät ihn leider köpft – da armi Maa us Schnee
ma häg dr Kolleger und dr Nay – davoseggla gseh

mit da best of Johannes Heesters - kann i läba
au dr Vico Torriani – kann i zur Not erträga
minetwäge Nella Martinetti – do kriag i no kei Krisa
eifach niameh - "Schlag den Rathgeb" - uf Radio Grischa

i lieb sin Charm, sis Lacha - und sin Pimmel
wenn er mi vu hinna nimmt – föhl i mi wia im Himmel
dr Epiney spricht vum Schätzli – fascht wia im Fiaber
do wär da maischta - d Nella Martinetti lieber

hellblau isch dia Linia – und fūahrt noch City Wescht
mit Linia sechs – hebt dr Bus nit am Alta fescht
neu d'Linia nūnasechzig – rosarot – in der Stadt Zona
Bierhalla, Capellerhof – und s'Confetti sind d'Stiona

Muslime im Bordell – defür wānds nur Asyl
Für mancha bravi Schwyzer – isch das z'viel
Dr Brand jommeret – und kann das nit verstoh
Dia dōrfend und mi – hānds nit innaloh